

ALL NATIONS GOSPEL PUBLISHERS



www.angp-hb.co.za



info@angp.co.za

ELOMWE Heart Book

MURIMA WA MUTCHU

COPYRIGHT

ISBN 0 - 908412 - 79 - 7

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

Murima Wa Mutchu

Empa ya Muluku nari mólamulelamo mwa Satana
(1 Yohane 3:4-10)

Ola tahi livro ahihano hoe. Àpachenrye wóneya mu elapo ya França va miyakha masana meli emanle eyo. Áhawáryela ni wáréliha atchu masana-masanéne. Ánaphara muteko ntoko eyonélo ya munepa yawi atchu enona makhalelo a munepa aya ntoko Muluku onawoneliye. Anchipale yáhóna yotcheka yammirima mwaya, vavá yátcharuwa yákhela mirima yahihano ni munepa wahihano mpuwa mwaya.

Muamwálakhanyaka livro ola múpuwelekesha wi yola eyónélo ya murima mummo munálakhanyányumo munisónelamo anénányu. Nari muri amalapo, nari akristu, nari muri ókókela-muchuli munaphwanyamo eruku anyu ntoko Muluku onóneliye. Muluku hánono nthalu. Onavarerya mmurimani mwa mutchu tahi ethoe hoe, nari mwili.

Satana ti tithi a atchu othene awotha, mwene a epiphi ni Muluku a elapo ela yavathi. Onnikhaliha mungelo a omwaléka nnya a hiri a omwaléla. Ntoko mmahiku akhalai nari hinano á khalaru ahusiha ówoka yawo aniséra arummwa a Kristu. (2 aKorinto 11:13-14). Navetho hiwávovo okhwa-minikwa, vawi Satana mwaneniye onniséra mungelo ómwaléla. Onnahuruwela mitho ni múpuwelo a atchu wi ehiwerye wona ósi vela wa Muluku, ni nchichimiho na Muluku, nari Mulipa—Ówópola aya Yesu Kristu. (2 aKorinto 4:4). Atchu óruheryiwa evasi ti muluku élapo yela hewerya wona wi anatchimakela wírimélelo, o Gehena omoroni wa enshofre. Wa Muluku ari ókhwéne tólamuleliwa ti munepa wa muluku élapu yela. (aEfeso 2:2).

Va nthowa nenla Mwana a Muluku tóneyenryiye wi apahule miteko ya Satana. (1 Yohane 3:8). Mwawihihá mwiweleléni Muluku. Mványeni Musaserya, nave onarwaótchawáni. Mwáchameleni Muluku, nave onawáchamelani nyuwo. (Yakobo

4:7-8).

Mwamwálakhanyaka livro ola ni ovarerya iruku sawe, munawerya wona mpuwa mwa murimányu. Emyereryani murimányu ovareryiwe wi móne makhalelo awe. Mwaphwanya murimányu onananre, muhiványe nari muhivithe nnya mwiróre nave mwémyererye sotcheka sanyu. Néra wi hinánono sótcheka, nnamwiwoka mekhihu, nave mwa hiyo himwámomo eparipari. Nnya némyererya sótcheka sahu, Yowo tóroromeleya ni ékhaikhai wi anikhurumuwele sótcheka sahu, ni onrapiha onivíherya sothene sóhikhala sékhaikhai Néra wi hantchekile, nnamwéra Yowo mulipa-wotha, nave masu awe hanakhala mwa hiyo. (1 Yohane 1:8-10). Mwiyeviheni vathi va ntata na Muluku wi ókhurumuweleni sótcheka sanyu ni worapihani ni nikhami nokhweleyasha na Yesu Kristu.

Munalamuleliwa ti Muluku nari Satana. Muri kapuro a yótcheka nari muri óruméla a Muluku. Yótcheka yálamulela okumi anyu, muhiványe. Vopwahaha mukhuweleleke wa Muluku, Yowo onótaphulani mwa Yesu Kristu Yowo árúle mwilaponi yavathi owópola ótcheka ni wáhulela mitho évási ni onikumihá mwipiphini ni okumiha epiphi mwa hiyo ni onivaha omwaléla wawe. Yesu árwa wi antaphule mu ikuru sa sótcheka ni sa Satana. Mwa Yowo nryáhuno yawópola ya sótcheka sahu. Munémela vamithoni va Muluku awéla Yowo onóna nave onasuwela sawérya sovitheya ni múpuwelo othene. Hamuwerya wisipithiha vamithoni va Muluku nari ni sawera sanyu. Mano Yowo ápakile náru haniwa? Mano Yowo úmpe nitho hanóna? (Salmo 94:8). Vawi mitho awe anakhala mu ephiro ya mutchu phyakala, enóna mothemwene onanyikalíyemo. Hiwáwowo epiphi nari múruli wa okhwa, wi awéra satherutheru yisipithihewo. (Yobu 34:21-22). Vawi mitho a Yehova annaweha wu ni wu mwilaponi yóthene yavathi, wisoniha mwakuru wa yawo ari awéla murima va Yowo. (2 Myaha 16:9; Yohane 2:24). Oréla ti mutchu yowo okhurumuweliwe yótchekáwe; ekhunéliwa yonanáwe.

Óréla ti mutchu yowo Yehova ohinamwálakhanyeryiye marapwáwe; Nave mmunepani mwawe himwámomo owoka. (Salmo

32:1-5, 51:-). Yesu onnitchana ni olelo ene oni: Rwani wa Miyo, othene nyu óvela ni óhokoliwa navetho Miyo kinarwa-kiwitchuwihani. (Mateyu 11:28-30).

ERUKU YOPACHERYA

Eruku ela enóniha murima wonanara ni wa mmalapo yowo onahóleliwa ti munepa wa elapo yela ni minkhela ya mwili; ela eruku enóniha murimáwe. Mitho awe toshérya anóniha wi óhapaliwa, ntoko nnálakhanyáhu mu livro a Nlakano nakhalai onériwa (Proverbios) lthale 23:29-32, Táni onashérya mitho? Ti yowo onasheleliwa múwuryani anéchécha amwávyaka vinyo ópwesheryiwa. Ohimuwe heke vinyo onashérya. Anónéla mukóponi. Anawuryeya mwawi kava-kava. Omakutchuwelo wawe onnaluma ntoko enowa, analepela ntoko nélepela. Mithoá eni-enaweha va athiana anya, nave murimá oni-onalocha sohisuwanyeya.

Vathi va muru varivo murima wa mutchu mummo murimo inama samilokomiloko hiho inalokoha sa sotcheka samilokomiloko mmurimani mwa mutchu. Murima ti wunlini wa sotcheka sahu. Muluku oni-Murima ti wowokeya opwaha, ni wohipe-nusheya, anasuwela táni? (Yeremiya 17:9). Yesu mwanéne áhi:- Vawi mpuwa mwa murima wa atchu munnakhuma múpuwelo ónanara, sóchapaheya, sawiya, sawípha, sóraru-wa, nrima, sónanara, owoka, sótakhala, nitho nónanara, op-wálu, withamalela, olosowa. Sónanara iha sóthene inakhuma mpuwa inamurípiha mutchu. (Marco 7:21-23).

NAPHULU

Enama yópacherya ti Naphulu, yola onóniha sa yótcheka ya withamala. Onnasivela werano itchu mwawithamala ni wosela. Lucifere ári mungelo mutokotoko, khalai vá ériwa-Ethenéri yawoshishelo ya Nivorosha. Vanthowa na withamala ámora wirimu vano akhala mwichani a Muluku. Mwawihihá vanonto onériwa Satana. (Yesaya 14:9-17; Ezekiele 28:12-17). Withamala onnóneya mmakhalelo amiloko-miloko. Akina anithamalela muhakhu aya, inyope saya, ipúcheputche saya, ipa saya, imacha saya, sowara saya, a gravata aya, ithoe saya, akina



1. ERUKU YOPACHERYA

míhi aya óphuwa. Akina anósélela sowara saya sorérasha, akina mukhova wa mushikoni mwaya, akina ibrinko saya, akina anósélela ihuku saya ni mamatchi withoni waya, nnamwi Muluku ápakile erére. Akina anósélela owarála waya, akina “Ecivilização”, akina ikuru saya, akina wéla waya. “Muluku onnáhiha awirumiha nnya onnavaha ikharari wa awiyeviha. (1 Pedro 5:5). Wóséla ni wirumiha Muluku onnichanano, (Proverbios) Ithale 8:13). “Woséla onamuhólela mutchu wúrimélani ni murima wawirumiha onnahólela wutholowani. (Proverbios) Ithale 16:18).

MWANAPWA

Mwanapwa onóniha yótcheka ya sokhwelakhwela sa mwili ni mararuwo. Mwanapwa vothevene onaviriyevo hanúliwarumuru, onamwiripihasa. Atchu anchipale ari ntoko mwanapwa; vothevene vává anayáyavo, anamwérasa sa ochapaheya. Mmahiku ónanara ókutchula ala mararuwo annatepa wácha. Anamiravo ni anahano hanasuwela wikhapelela phama, nari ethenle nari etheliwe nari anámukhwele anamuraruwasa Otcheka wa o Sodoma (aRoma 1:27), woháphara atchu anchipale ntoko Yesu álochenliye wi mmahiku ókutchula munimukhale ntoko mmahiku a Sodoma ni Gomora. Nari hiyotho mu nloko nahu mutchu óhuliwa, muru ni óraruwa-raruwa nnamwéra ntoko mwanapwa. Atchu awihiha herwa-evolowa mu Omwene wa Muluku. Vate varivo anapwa ni awisáchiherya, ni amararuwo ni ówipha atchu, ni óthamala sophwaniherya, ni yawo anasivela witha ni wérano. (Yawupulula 22:15). Musepe ochapaheya! Yótcheka ekina mutchu éra enakhala vate va mwili, nnya chapaheya onatchekela mwili awe ene. Nna hamunasuwela wi mwa Empa ya Muluku? Mukina apahula Empa ya Muluku, yowo Muluku onarwampahula; vawi Empa ya Muluku eri yawela, yeyo ti yenyu. (1 aKorinto 3:16-18; 6:15-20).

EKUPA

Ekupa enóniha yótcheka ya ohapaliwa ni ya oluluwa. Ekupa ennalya itchu sóthene, henathanlelaru etchu yaphama nari yónanara, eri ntoko atchu yawo anakhura enama yawim-wikhwela, nari ekhwile erecha, nari yonyopotcholiwa, yawo

anakhura nnikhami nene, hiho Muluku enriye nihikhúreke. (Sawériwa 15:20). Navetho annarípiha milli aya ni olya eshuruma, omunkha ompaha ni omukhura sona, hiha sinnananariha nikhami naya ináhólelatho mu sótcheka ikina sokhoveleliwa. Satana ti yowo onámaka atchu mu yótcheka ya sona, nnya ikururu sa Muluku tíni-iwerye wátaphula mu sótcheka iho sókhoveleliwa. Atchu anchipale atokotoko ni akhani ene hanithokororya nnya anamuwurya vinyo, ekachasu, echara nikhupa ni otheka nave annahapaliwa. Nnyanto vothe vene alipa-óhapaliwa herwa-evolowa mu Omwene wa Muluku. Sówurya iha tahiyene solya hoe, inákanyerya muru wa mutchu pahi. Yawo anawurya anakhala ólosowa, ni awérano mararuwo, ni awiphana mukina ni mukhwawe. Vinyo onarúherya nluma, yowurya ya owali yóviha; yawo anahuwelano hanakhalano miruku. (Proverbios) Ithale 20:1). Va malamulo a Mose, mutchu yowo ákhalano mwanawe óhiwelela ni óhapaliwa, ávonyiwa maluku akhwa. (Deuteronomio 21:19-21). Yawo anakhuruwa otheka nari yohapaliha phyakala annaványeya ni yawotho anatumiha ni yawo ene anawurya; ntakhara masu a Muluku ani: Ochilu ori wa yowe onamvaha mukhwá yówurya ni wáchereryamo murecheá ni omuhapaliha. (Habakuku 2:15). Muhihuwelihiwe, vawi achapaheya, nari óthamala sophwaniherya, nari óraruwa, nari awipahula ni athiana nari ni alopwana, nari awiya, nari óluluwa, nari ÓWURYA-WURYA, nari óruwana, nari awákha, herwa evolaru Omwene wa Muluku. (1 aKorinto 6:9-10).

Nave miteko ya mwili enóneya ti ochapaheya, yoripiha, okhalela-minkhela sótakhala, othamala sophwaniherya, mireche, wichana marápwa, okakamela esara, owana, omwalana, omwaryeya, nrima, wipha, OHAPALIWA, wákhumana, ni ikina sawihiha; yawo anérera sawihihá herwa-evolowa Omwene a Muluku. (aGalatiya 5:19-21). Nave muhihapaliweno vinyo, ekachasu, otheka, mummo muri-yoriméliha; nnya musareryeno Munepa. (aEfeso 5:18). Mwárimukhala ni ntchanana Yesu Ehime ya nápilupilu a okumi onnawitchanáni oni:- “Árivo mutchu óvoliwa ntchanana, arwe wa Miyo awurye mahi a okumi siyoene.” (Yohane 7:37-38). Khwó! Othene nyu óvoliwa ntchanana murwe omahini, ni yenyu ene muhinono

ikhorowa murwe, muthume, nave mulye; áí murwe muthume, nari muhínono ikhorowa nave muhilivenle, vinyo ni mapele. Munayéheryani ikhorowa muthumelaka hiho ihiri solya? Nave yawiphwanyerya yava-mutekoni vanyu munayéheryani va yeyo ehinawerya ohakalaliha? Mukiwiriyanesha etchu yoréra, nave okumi anyu ohakalaleke ni ya makhurwa. (Yesaya 55:1-2).

KHAPA

Enama ela enalokoha sa yótcheka ya oyere, wirushiha ni wisáchiherya. Ohiroromela ori ntoko yótcheka ya opaka mireche. Mulipa-óyere onnamorela mu sawéha sinchipale. Onakhwela wiyaru óhiphara-muteko, tiva wiya, mahiku makina onnáhólela owipha atchu. Oyere onnérihatho wi nnóchela ovekela onnanochélihatho wálakhanya Masu a Muluku ni oya OGrejani navetho onnanócheliha ohuserya mMasu a Muluku mummo nryáhunomo okumi wohimala. Wirushiha onniya elukuluku nave onnahólela wirimélelo. Muluku alocha wa weyo wi oveléle murimá olelo váva wa Yowo, vávátho Satana oni: Olelo hoe, nnya omélo. Nnyanto musuwele wi Nanshomélo hanakumaneleya, weyo wirushihale-rushihale, omelo onnakhwa óhikhalano Muluku, óhikhalano ovuluwa, óhikhalano Kristu. Va mathowa yala Muluku oni: “Olelo mwiwa masu awe, Muhúmihe mirimányu.” (aHebri 3:7-8). Nikula na khapa tinenlo awisáchiherya anapakeláyano mireche aya, nnóniha yótcheka ya wároromela alipa-mireche ni awisáchiherya munipuroni mwa omuroromela Muluku. Mu ilukuluku sa irecha ni sa sawúkhula, anaroromela sophwaniherya ihako, mireche ya michúma, ihasiri, mirusi, míla-yóhureliwa; munipuroni mwa omuroromela Mpachusha ni Mópoli aya. Muluku áhálamulela anamwane a Israeli í:- Mukhwiri muhimuhiye akhale mukumi hoe. (Exodo 22:18). Mwa nyuwo ahiphwaneyekemo mutchu ómukeriha mwanawe mwamulopwana nari mwamuthiana onavethiwawo moro, nari wa awisáchiherya, nari wa anamácula, nari wa anamulosiwe, nari wa anáminepa, nari onathamaleliwawo alipa-ókhwa. Vawi othene yawo anérano hihá Yehova onnananariwano. (Deut. 18:10-12). Muhiyéke wa anamulosiwe, nari wa awisáchiherya, muhiwávyeke munirípighano; Miyo ka Yehova Muluku anyu. (Levitiko 19:31). Mutchu yowo onaya wa anamulosiwe ni wa awisáchiherya anátchara

ni oraruwelawo, ethoe aka ekanamványa yowo nave kina-mutollosa omvíhavo véri va atchu anloko nawe. Mwawihihá mwimwalanyéni, mukhale awéla; wawi Miyo ka Yehova Muluku anyu. (Levitiko 20:6-7). Yesu Kristu tonakhurumuwela marápwa othene.

Anapenusha irecha sá sóthene. (Salmo 103:1-3). Okhalavo mukina onicheliwa mwa nyuwo? Awítchane asatokwene a muloko, nave emvekelele, emóchihale makhurwa mu nsina na Apwiya; nave nivekelo na nrromelo nnarwa nimvulusha awicheliwa owo, nave Apwiya anarwa-emvíha; nave khwino orimutcheka onarwaakhurumuweliwa. Vano mwenyereryaneke mukina ni mukhwawe sotcheka sanyu nave mvekelelaneke mukina ni mukhwawe wi mpenushiwe. (Yakobo 5:14-16). Vanonto wánamwálakhanya mwalivro ola, Muluku akanalocha ni weyo wi orukunuwe ni ohiya sonanara sá. Nnyatho munepa wa khapa onakhala mmurimani mwá okanápiha masu awi:- Ohákuve hoe; Olelo va ohívelélé, nnya omélo, nari murunku womelo, naritho muyakha womelo, vano wapacherye toko ovánela ni aiyá, wavanele toko ni amwariyo, waloche toko ni atithiá. Wa mwali oni: Wapacherye toko otheliwa wa mmiravo oni: Wapacherye toko othela. Vanonto eyanre oni: Mwapacherye toko owinela anamwane anyu. Munipuroni mwawivelela Masu a Muluku aníwelela masu a Satana ophierya murimáya wúmasha omala, ntoko nikula na khapa.

HAVARA

Enama yéla ti yówali, ennípha ikina nave henakhwáneleya ophierya elante ni nikhami nene. Yela enanóniha sa ovyamurima ni esara hiho inakhala mmurimani mwa mutchu. Mutchu phyakala yowo onakhala a esara ni a munepa wónanara onnawerya werano miteko yakuku, ntoko olipelasha, ni wúlumela, ophierya onnamwipha mutchu. Yowo orinono munepa wónanara ilukuluku ikina awurya otheka ekachasu, vinyu ahapaliwa hanawerya wiléla. Anchipale awovóva anamuwuryasha evona wi eweryento olipa-murima ni wupuwela múpuwelo phyakala ónanara awi yinleno ikuhu. Vinyu aya ta eshenya yawipha si ya inowa, ni a eshenya si ya namarawe. (Deut. 32:33). Okókiherya yónanara va yónanara onamurérela

yowo orino murima wónanara. Nnyanto mulipaawunla ikuhu ti Muluku. Yesu áriye:- Mwásivelekeni amwichani anyu. Muluku ólakana onikhurumuwela sótcheka sahu hiyotho nákhurumu-wela yawo anantchekela.

ENOWA

Yopachushiwa ela khalai yári yaphámasha yela yáháwoka Adamu ni Hava mu emacha ya Eden, epahula wátána waya ni Muluku wotikiniha ni worerasha. Satana Mungelo Lucifer yowo ámorihawe Wirimu áhinla ehache vává ámónniye Muluku ásivelakasha atchu ale òpacherya Adamu ni Hava ntakhara áhávaha olamulelo wi elamuleleke elapo yothene munipuroni mwa Lucifer. Vanthowa na nrima Satana árèheryerya apahula wátána worerasha ni okumi wamwa Muluku, Nrima na ekuku nenle nnakhala mmurimani mwá ni mukumini mwá ninnocheliha ohakalala wá, nnya akina ehakalalaka enatheya. Mwawihihá alipa-muteko a Muluku, akristu munaphwana mwithokororyeke wi muhiphariwe ti munepawa nrima, vává Muluku onamurélihiye mukina wópwaha weyo. Nrima ninnasarya mupuwelo ónanara mmurimani mwá wi wáwokeke akina, onapahula ohakalala waya nave onawipha yawo onákhaleláwe nrima. Seiya sakhala mwa mulopwana ni mwa mwáriye, sinnapahula etchoko ni okumi aya ene. Nrima ninnúmelela ntoko mahiye. (Ntchipo na Solomoni 8:6).

EVUKU

Evuku okumi aya ti wawilyelya. Henakhwela wi nari mireka aya emoreke, nnya enakhwela ekhalakano mireka yothene. Hihanto enóniha murima wawúra wósivelasha ikhorowa ni sóphuwa; wóhikhwela okhaviherya muteko wa Muluku nari wákhaviherya atchu óháwa ni muhakhu aya. Mutathári wa sonanara sothene ti osivela wava-ikhorowa. 1 Tim. 6:10. Mu chu ósiveliwa hanakhwela wákawela atchu óthoiwa hiho oriyo. Iphiro sothene sónanara onéra wi tisaphama wi ithukumanyeryekemo muhakhu. Nnya muhakhu onnapahuliwa ti asocholo ni murawa navetho vakina alipa-awiya anniya. Yesu áriye:- Mwithukumanyerye mekhinyu muhakhu Wirimu, wiwo asocholo nari murawa ihinapahuláya, nave alipa-wíya ahinakhuvuláya ni wíya, vawi wiwo ori muhakhuá, wiwotho

onarwa-okhala murimá. Mateyu 6:19-21. Ákání ni emusi awe yálakiwa va nthowa na osivela mívira ni prata sawúlumeliwa hiho ákushaliye. Yoswa 7; Yudasi-iskarioti ápahuwa ntakhara ahasivela ikhorowa Matey. 27:3-5.

MUSASERYA

Yoha ti tithi a sawótha. Yowo turi mukukhula a asinama othene ala nave tunalamulela murima. Yesu ahi:- Nyuwo mwa órwéla wa atithinyu Musaserya, nave minkhela aya ya atithinyu munnakhwela wéra. Yowo ári-mulipawípha opacherya vópacherya nave hémenleru mu eparipari ntakhara mwa yowo himwámomo eparipari, Vává onalochiye sawótha, onalocha sawawe; ntakhara tawótha ni tithi a sawótha. Yohane 8:44.

ETHENERI

Ethenéri enanóniha sa yóléla-murima ya mmurimani mwa mutchu phyakala. Va eruku ela ethenéri tiyóripa, eríphiwe ti sotcheka, vavikhovelelihanó sónanara mwawihíhá ehinaweryanto ophara muteko aya phama. aHebri 10:22.

NITHO

Nitho na Muluku nri vothevenevo ninnóna itchu sothene sammurimani. Hayivo enavitheya vamithoni vawe. Onnasuwela ni wona sovitheya sothene mmupuwelo ni sochichimiherya sa murima. Nari mwénreno sotcheka mwipiphini morípamosha, ohiyu, mmuhiruni wóhipasha, nari munlichini nawishasha, Muluku onnónamo.

MUNGELO

Mungelo onatheteya Masu a Muluku. Muluku onnalocha wa mulipa-ótcheka ówokeya ni omuléla wi atcharuwe, nave émyererye omwaléla wa Muluku mmurimani mwawe. Muluku onalochatho wa weyo mukhwáka mu livro yola.

EPOMBA

Epomba yoréra ela yóphuweya ni yóhéra etchu yonanara nariru, ti yolikanyiha ya Munepa Wawéla; Munepa wa eparipari yowo onaványiha wa sotcheka ni wa ekhaikhai ni wa

othorihwa. Va eruku ela Munepa Wawéla ori váte va murima, honawerya ovolowamo ntakhara sotcheka tinalamulelamo.

MAKALUME MAKHANI A MORO

Mamoromoro ala anaphwaniheryiwa makalume a moro yawo arukurenrye murima wa ótcheka. Yala analocha sa osivela wa Muluku erukureryaka murima wa ótcheka. Muluku hanakhwela wi mulipa-ótcheka akhwe nnya wi atcharuwe nave akhale mukumi. Yesu árwa wáwulusha alipa-ótcheka. Onarwa-okhala ohakalala Wirimu ntakhara a ótcheka mmoha órukunuwa-murima. Mamoromoro yala ari yolikanyiha ya nikhami na Yesu. Ni nikhami nenla na Yesu Muluku tunakhwelíye omurapihano ótcheka. Osivela wa Muluku onakhwela ovolowa mmurimani worirya ni wókhwa. Yesu onnémela vamulakoni wa murimá anókotcha. Wamuhulela Yowo, onavolowa, órapiherye murimá, ótaphuletho.

ERUKU YANAWILI

Eruku ela enóniha sa mutchu yowo onapacherya otcharuwa ni omukhwela Muluku. Mungelo óvoleyá nlema, ti Masu a Muluku yawo ari makumi ni awúpa ni awétha opwaha nlema nawétha wu ni wu, enathorola ophiyerya omwalanya okumi ni munepa, ni mashikha ni makhurwa ammakhuvani, arórihasa sawányiherya ni sochichimiherya sa murima. AHebri 4:12. Masu a Muluku annamúpusha wi yólivela ya otcheka ti okhwa, niwitho vahiyáthiwa va atchu okhwa omoha, nave ekhwile othorihwanto. AHebri 9:27. Yawákheláwe ya ótcheka ni óhiroromela eníkhale mu emaka ya moro ni enxofre.

Mungelo ntata nikina opharenle ekakasa, ni makhuva a muru wa mutchu ókhwa. Yela enamúpusha ótcheka wi othene hiyo nnahála-okhwa. Mwili ahu yowo nnasiveláhusa, nnaviriha elukuluku vóthokororya, owariha, ovakulela ni wérano etchu phyakala ya yókhwela aya; mwili olanto onakhwa nave onúcha. Miúku enalya nnya munepáhu onarwa-wóneya vamu nyukhuni wóthoriha wa Muluku. Ótcheka apacherye wiwelela Masu a Muluku murimáwe ohuleyerye mu osivela wa Muluku. Vává Munepa Wawéla onapacherya omwaléla murima wa




2. ERUKU YANAWILI

mwipiphini. Vano wárya wánóneya, epiphi enamutchawamo. Osivela wóviha wa Muluku onapacherya ohuruwela muri-ma wóriryá owo. Otcheka wiwo onaphwaniheryiwa ni inama samiloko-miloko iho onarwaotchawa.

Ótcheka weyo, muhiye Yesu Kristu Yowo ori Omwaléla wa elapo yavathi avolowe mmurimani mwá, nave epiphi enatcha-wa mwa weyo ntoko onóneláwe va erukuni va. Yesu áhi: Miyo ka omwaléla wa elapo yavathi; yowo onakitchara Miyo hécha mwípiphini. Yohane 8:12. Ochilu ori wa yawo anasivela epiphi opwaha omwaléla. Vává Yesu ávolowilíye mu Empa ya Muluku o Yerusalemu áwikara ótumiha inyope, ipucheputche ni ipomba, amwaramwarya ikhorowa sa awákakhanyihana awo, í: Muhéreke Empa ya Atithi aka empa ya marocha. Yohane 2:13-17. Empéyo ti murimá. Yesu árwele onikhurumuwela sotcheka sahu ni onákiha wi ntaphuliwe mu ikuru ni mu olamulelo wa sotcheka. Nto Mwana (Yesu) awérani anéthi, nyuwo munakhala anéthi tchiri. Yohane 8:36.

ERUKU YANERARU

Vává nnónavo murima wa ótcheka ótcharuwasha. Onnona winnuwa wa sotcheka sawe hiho Yesu ákhwenlíye vamwikimanyo. Murimáwe onnaphwéya vává onóniye mwikimanyo wa Yesu, yowo Mungelo Masu a Muluku onónihiye. Osivela wa Muluku yowo wónihiwe mwa Yesu Kristu onnatotosha murimáwe. Vopwahaha onúpuwelelíye wi Yesu Kristu, Mwana épucheputche a Muluku, árwa wi avíhevo sotcheka sawe sothene niwi ákhwelasha okhwa vamwikimanyo munipuroni mwawe. Onnupuwela wi Yesu ámaniwa akhomeliwa mithipo, awarihiwa korowa a miwa ntakhara a yowo, seiya sinnapwasha murima wa ótcheka yowo otcharuwale. Vawálakhanya ni wiwa mMasu a Muluku yowo onóna mu Eyónélo ya Muluku nave onnaróra wi murimáwe ti woripasha ni wótcheka. Seiya sinnahoma murimáwe nave munepa wótcharuwa ni wóthana onnamunliha mitho-irri ntakhara a sotcheka sawe vává Muluku onnamwáchamela yowo. Osivela ni murechele wa Muluku sinnavolowa mmurimani mwa yowo orapihiwe mothewene ti nikhami na Yesu Kristu. Onnaróra wi Muluku on-



3. ERUKU YANERARU

akhala vakhiviru va yawo a murima wóphwéya, onnávilusha yawo a munepa wótcharuwasha. Salmo 34:18. Onnápenusha óphwéya murima, amaka makhwacha aya. Salmo 147:3. Masutho a Muluku aní:- Kinnamuweherya mutchu ola yola ori óháwa ni a munepa wóphwéya, onathukumela ni Masu aka. Yesaya 66:2.

Munepa Wawéla ni osivela wa Muluku sinnikusherya murima wawélihiwa owo. Vóweha vamwikimanyo ni nrromelo na munikhamini na Yesu Kristu, nenlo náyéhiwe onópola wa sotcheka sahu, yowo onnasuwelasha wi sotcheka sawe sokhurumuveliwa nave onnaróra mmurimani mwawe wi nikhami na Yesu Kristu Mwana a Muluku nómwéliha mu sotcheka sothene. 1 Yohane 1:7. Yowo onaroromela mwa Yesu harwarimélaru nnya onakhalano okumi wóhimala. (Mwalakhanye 1 aKor. 6:10-11). Nókhalano wópoliwa mwa nikhami nawe, okhurumuveliwa wa sotcheka, ntoko mwa muhakhu wa ikharari sawe. aEfeso 1:7. Vano mwa munepa wahihano mmurimani mwawe, nave hanasivelatho sa mwilaponi ya vathi nnya onasivela itchu sa Muluku Yowo ámusanrye ni osivela wawe. Asinama yawo analikanyihwa ni sotcheka ari vate va murima. Nnya Satana hanakhwela ovinyamo mwawihihá yowo onnathitimanela samuchuli awehereryaka wi aphwanyetho mulako wovowelanelomo. Vanthowa nenlo ánlamulela wi nlipeleleke ni ovekela ni omukhócha Satana wi atchawe.

ERUKU YANESHESHE

Eruku ela enalocha sa mukristu yowo ophwanyile murechele wómalela ni wópola wawiveléla waya wa Apwiya ni Mvulusháhu Yesu Kristu. Vothevene yowo haníthamala nariru, nnya onathamala mwikimanyo wa Apwiya Yesu Kristu, mwa Yowo elapo yavathi ethoméliwáya, ni yowo othoméliwiye elapo yavathi. aGalatiya 6:14. Onnaroromela wi Yesu ákhwa vamwikimanyo wi hiyotho nikhwile mu sotcheka, nikhaletho akumi vótchara ekhaikhai. 1 Pedro 2:24. Mukristu tókhwa mwa sélapo yavathi. Nólamuleliwa wi nécheke mwa Munepa wi nihikhwánye minkhela ya mwili. aGalatiya 5:12-25. Navetho nólamuleliwa otchara wéla, wúwu wáhikhalavo havovo mmo-

Yowo onal-
aphiha tanár-
we ákhele
itchu sothen
Yawupulula
21:7.

Elapo yavathi
ethomeliwáya
miyo
aGalatia 6:14.



4. ERUKU YANESHESHE

ha ani-arwe amóne Apwiya. aHebri 12:14.

Va eruku ela ya murima ninnamónavo maripu yowo Apwi-yáhu Yesu Kristu yámakeleliwáyavo emanle oruliwa sowara saya ninnónavotho iwashushu hiho yáwashuláyano mwakuku, mwawihihá olaka wiwo onruhenrye hiyo murechele wári va Apwiya Yawo. Yesaya 53:11-12. Yowo áwashuliwa ntakhara a sotcheka sahu. Mwene Herode ni atchu awe yámunyemula, emanle omuwashula yámuwariha malaya óshérya. Yámpaka koroa a miwa emuwariha mmuruni mwawe munipuroni na koroa a mívira Yámphareliha mmatani mwawe ekopo ya eheche munipuroni mwa ekopo yómwene. Yámukokhorela yí:- Mósheliwa Mwene a aYuda! Nave yámmána vamuruni vawe ni eheche, emutapherya mara. Yámanláya omunyemula mwakuku yámukusha eyano omuthomeya.

Akhalavo atchu anchipale aneriwa Akristu, yawo anavekela mmagrejani, yawotho analya Yolya ya Apwiya, enipa matchipo a Muluku, nnyanto ni miteko aya yonanara anammuthomey-anotho Pwiya. Tahi yowo ólocharu wa Miyo, Apwiya, Apwiya, onarwa-avolowa mu Omwene wa Wirimu; nnya yowo awéra yókhwela ya Atithi aka a Wirimu. Mateyu 7:21-27.

Verukuni va munnónavotho murupa wakhorowa wa Yuda-si. Yudasi amuthumenle ikhorowa sawéla makhumi mararu (30) ntakhara osivelasha wa ikhorowa wámphara mmurimani mwawe. Munnónatho onyári (ekandieiro) ni onyóro hiho asurtato yáphareláya muteko yale yámphanre Yesu ohiyu vale. Yahéhererya ehako yowara ya Yesu ekhwelaka osuwela wi ekhale yawani. Livro Awéla ntoko onalocheliye wi:- Anna-kawana sowara saka, enéhererya ehako malaya aka. Salmo 22:13. Musurtato ámwéya-nahuca nnivaka mpararini mwawe, nave mwákhumamo nikhami ni máhi. Yohane 19:33-37. Muth-upi ohípale Pedro á mukhocha Yesu vamithoni va mwali, nnyatho átcharuwa anla mithoirri ni osósiwa mmurimani. Nki weyo onnamwémyererya Yesu mmasu ni mmutekoni? Akhweya onnóva wérano hihá? Yesu áhi:- Yowo anárwe-akikhóche vamithoni va atchu, Miyotho kinarwa-kimukhocha vamithoni va Atithi aka a Wirimu. Mateyu 10:32-33. Yesu

áhitho:- Mutchu onakitchara, írohe mekhiye, ateshe mwikimanyo awe anakitchara Miyo. Mateyu 16:24. Nave yowo ohinatéscha mwikimanyo awe, nave ahinakitchara, hanaphwanaela Miyo. Mateyu 10:38.

Ntchipo No 91.

Mwala wohimalaru, kipitheke mwa Nyuwo;
Mahi ni nikhami nlo sakhumale mwa Nyutho,
Ikivase m'rima chwe! Ikilipiheketho.

ERUKU YANETHANU

Yela nnónihiwavo okumi wawélihiwa wa mutchu ótcheka yowo ovulushiwe ti osivela ni ikharari sa Muluku. Vano ori Empa ya Muluku ni mókhalamo mwa Muluku, ni Yesu ni Munepa Wawéla, ntoko Yesu álonchiye i:- Mukina ánakisivela Miyo, akanakhapelela masu aka; nave Atithi aka ekanamuisivela, nave Hiyo nnarwa-nrwa wa yowo nave nnarwanéra mwa yowo mókhalamo. Yohane 14:23. Muluku onnáchichimiha, anaréliha, nave mwa Yesu Kristu onnamuweliha mutchu óháwa. Luka 1:52.

Murima wakhala Empa ya Muluku ókumi, mummo yótcheka ennavíhiwamo. Munipuroni mwa asinama ale ólamuleliwa ti Satana atithi a sawotha, vano nnóna Munepa Wawéla Munepa wéparipari okhanle tunakhala mmurimani mmo. Munipuroni mwa miteko yonanara ya mwili, vano murima ori ntoko emacha yawitchwiha sawima. Sawima sene iho tiha:- Osivela, otheya, murechele, oleva, ikharari, epewe, nrromelo, omála, wihiha ni sawima ikina sene sohakalaliha wa Muluku ni wa mutchu. Vano ori mwiri enesha wa mpesa, ti Yesu Kristu. Ephiro yawimiha sawima tiyo ya okhala mwa Yesu ni Yesu mwa yowo. Yohane 15:1-10. Navetho anakhapelela Masu a Muluku mmurimani mwawe, nave asareyano abatisiwa ni Munepa Wawéla onnakhalano ikuru sólaphihano mwili ni sokhwela-khwela saya. Ni ikuru sa Munepa Wawéla akanawerya wecha mwa Munepa. Hakakhalatho mwa hiho onóniye nari mwa hiho oniwiye nnya mwa nrromelo; wavi nrromelo namwa Yesu Kristu tinri namalaphiha nólaphihano elapo.



5. ERUKU YANETHANU

Nave onnalipihiwa ni yówehererya ya orwatho wa Yesu Kris-tu. Onnakhala ni okumi mwa osivela wa Muluku wiwo ori wa okhala-wokhala.

Órélihiwa ari awéla-murima, ntakhara anarwa-emóna Muluku. Mateyu 5:8. Nari mwene Davide álaphihale amwichani anchipale, ásuwela wi mmurimani mwawe mókhalamo ekhocho etokotoko, nave ásuwenliye yókhweleyasha yammurimani ávekela í:- Mukipachusherye murima wawéla Muluku; Mureherye Munepa wotikitheryeya mpuwa mwaka. Salmo 51:10. Havovo onawerya wéliha murimáwe, nari wipachusherya murima wawéla. Mutchu onaphwanela orwa wa Muluku ni otcharuwa wéparipari émyereryaka ni ohiya sotcheka sawe ntoko Davide énríye, nari ntoko mwana óhuwa áhiyaliye okukhula ikupa iho akókela wa atithinya, nave vókhala múthanani áhinla í:- Atithi kómutchekela Muluku ni nyuwo. Muluku onnakhwela omukhurumuwela mutchu phyakala yowo onakókela wa Yowo ni otcharuwa wéparipari, ntakhara Muluku tálakanne í:- Nave kinóvahani murima wahihano, ni wiyathi munepa wahihano mpuwa mwanyu; nave kinavíhamo murima wa nluku mmwilini, ni wovaháni murima wa ethai. Nave kiniyáthi Munepáka mpuwa mwanyu, ni owechihani mu Sorempwa saka; nave mukanakhapeela mathoriheryo aka ni wérano. Ezequiel 36:27.

Verukuni va ninnamónavotho mungelo. Angelo anáruméla yawo eníkhalelo okumi wohimala. Salmo 34:7; 91:11; Daniel 6:22; Mateyu 2:13; 18:10; Sawériwa 5:19; 12:7-10. Navetho ninnamónavo Satana arukunuwaka anaweha muchuli. Onakhwela okókela mmurimani mummo áriyemo khalai. Vale nósuwela olipelela ni ovekela wavi Musaserya, ntoko mwacho awunla, onnechécha ni omwávyá vya mukina wi ammirye. 1 Pedro 5:8. Mványeni Musaserya, nave onarwaóтчawaninyuwo. Yakobo 4:7.

ERUKU YANETHANU NAMOHA

Eruku ela ti ya mutchu onapacherya ohuwela. Nitho nawe ninnapéluwa wóniha wi vano okumi awe wa okristu onnarírya



6. ERUKU YANETHANU NAMOHA

nave órupa. Nitho nikina ninnaweha wu ni wu wávyávyá opakatho ompwana ni elapo. Mwa yowo omwaléla wa Mitchaka Yaphama wówukuwamo ni okhwela wene oháwa ntakhara Kristu. Sawéha sómurukurerya onnamorelamo vakhani ni vakhani munipuroni mwawi anámványa. Onnamwíwelela Satana opwaha omwíwelela Muluku. Hanochelarú oya oGrejani nari arihale osivela wawa Muluku vano mmurimani mwawe avithalemo itchu sa vélaponi. Etheneri awe ya yoléla-murima ennarima, mwikimanyo vano onnamulimela. Nrromelo nawe vano tinókhwaminikwa, nave óhiya ovekela wa Muluku. Onnakókatho akhala óhithokororya okumi awe. Vakhani ni vakhani onnamvaha nipuro mulipa-awéha owo wi avolowe yowo onawehererya ari vate vá.

Munepa wa naphulu vano onnéryatho ovolowa wi mutchu owo írumiheke. Otheka onnókotchatho vamilakoni va murimáwe. Mukina onnamuléla wi: Owurya nikhupa havamwahavo. Yowo hanaróra wi nikhupa nri si mwámuhiche mwámukhani wómuhólela omuhicheni mutokotoko ti wúhapaliwani. Akhweya muthiana vává onákhuruwelíye asinthamwene awe otheka, nnya nari owo ahiwuryaka vává onáhólela akina wi etchekeke, wérano hihá munepa yowo wa ohapaliwa tonamuwoka. Mukristu onnéhiwatho ni sotcheke sa mararuwo ni sa oruwana ni ochapaheya ni masoma ónanara. Hanaróraru wi nsoma phyakala, nari nsoma na Akiunya nenlo nnériwa “Baile” nri vatchachoni vává vanayarwavo mararuwo. Nsoma na Akristu onanara waya ninnapwaha nsoma phyakala. Akristu vává anamulyaya sona, annápwahano amalapo ntakhara anammulya othana ni ohiyu ene. Yesu hámulyileru hoe, nave akristu enesha yawo anamutchara Yowo hanamulyaru.

Satana onnamuléla yowo wi:- Othatano sónanara tahi otcheke hoe. Navetho oni:- Oraruwa vamoha tahi otcheke, nnyanto mutchu éreno tononíye wi yótcheke ya mararuwo yomphara tchiri.

Mutchu owo onahoma murimáwe ni showa vérukuni va onaphwaniheryiwa ni yawo ananyemula okristu ni masu élomwe. Yowo hanawerya olaphiha ntakhara a onyemula wa asin-

thamwene awe. Masu aya annahoma murima awe, nave onapacherya omóva mutchu ompwaha Muluku akhala kapuro a atchu, úwela mu sótcheka. Mu elukuluku ya sawúkhuła ennarwa esara evolowa mmurimani, oruwana ni olocha sónanara sinnananariha eyano awe yeyo ákhovelenlíyeno ovekeła ni omuthamalano Muluku. Satana aphwanya mwámulako mwámukhani mmurimani mwawe onninuwiha okhala mulako wóvolowelavo sotcheka itokotoko. Tivokhweya wémyererya osivela wa ikhorowa ovolowa mmurimani, náhithokororyaru olopola wa Apwiyáhu Yesu Kristu álonchiye wi:- Lipelelani ni ovekeła, wi muhivolowe muwéhiwa; munepa ti wókhwelasha, nnya mwili ti wochetcheya. Mateyu 26:41. Mwawihihá yowo onéra wi ólipa, íthokororye wi ahithówe. 1 aKorinto 10:12. Warani mavaka othene a Muluku, wi muwerye withipela vokhochha maphyakelo a musaserya. aEfeso 6:11-18.

ERUKU YANETHANU NAWILI

Eruku ela enanthónyerya sa okhala waya wa mutchu awúwa. Khalai ánamwaléliwa, alawihatho yawima ya Wirimu, akhala awákhelano Munepa Wawéla, nnyan o úwatho. Yela enanthónyerya mutchu óhirukunuwa murima; nnamwi Mitchaka elaléryiwaka wa yowo, anámúmiharu murima, akókelatho mu sotcheka.

Yesu álocha sa mutchu owo awúwa masu ala ínto:- Vothevene munepa wónanara onakhumáya mwa mutchu, onnavira opwaha mapuro órama mahi wavyaka witchuwa; nnya wáhiphwanya, onnalocha wi:- Kinakókelaru ompa waka wiwile kákhumalakawo; nave vóphiya, onnaphwanya yóveliwa ni yoreheryiwa. Vává onnarowa okusha minepa mikina mithanu namili yónanara opwaha yowo; nave yeyo ennavolowamo enakhalamo, mwawihihá makhalelo ókutchulela a mutchúwo annananara opwaha ópacheryáwo. Luka 11:24-27. Wa yowo wéreiye ntoko ethale ele enariwa:- Mwanapwa ókókela o marapheyo awe, nave ekupa yárampe eyo yókókela wúpu-ruwa munchokwini. 2 Pedro 2:22.

Sórempwa iha inanthoriherya sa mutchu yowo ori awihihá.



7

7. ERUKU YANETHANU NAWILI

Véthoini vawe ni mmithoni mwawe mórempwamo sónanara sawe. Munepa Wawéla (Epomba) onnatchawa ntakhara Munepa wa Muluku howerya okhala ni munepa woripihiwa. Omwaléla honawerya wátana ni epiphi. Murimówo howerya okhala Empa ya Muluku ni okhalatho nikhuku na Satana. Mungelo, yowo onóniha Masu a Muluku awo, onnavira athanaka anaweha ochuli niwi akhweya mutchúwo onúpuwela wi ori mwana óhuwa. Mwana óhuwa yáphiyenryáya elukuluku yókhwela ovoniha erukulu awe ni ithale sa miri hiho ikupa sályáya nave hárivovoru áwerya omvaha etchu, yowo úpuwelenlíye áhi:- Kinamvinya, kiye wa atithiaka, kalocheno wi:- Atithi, kátchekela Wirimu ni vamithoni vanyu nkinaphwanela wériwa mwaninyu; Luka 15:18.

Nnya wa mwaha ola havanóneyavo inenéryo sawóniha matcharuwelo éparipari, nari sórukunuwelanano wa Muluku, nari mávyeryo a okhurumuweliwano va ináni sa Yesu. Yoléla-murimáwe ti yokhwene. Ókhalano máru nnya haniwa witchana wa Muluku. Ókhalano mitho nnya hanóna nlichi nenlo nri muhólo mwawe, navetho hanúliwaru muru vawérano sónanara. Satana ókilathi vamunyukhuni wómwene vamurimani vawe ntoko mwene. Wóneya wawe onakhala ntoko si mahiye awúruleliwa ni kache awéla, yawo anóneya oréra vate vaya, nnya mpuwa mmo enasareya ni makhuva a atchu ókhwa, ni sótakhala sothene. Mateyu 23:27.

Mwene awótha ókusha nipuro na Munepa wékhaikhai. Asinama yale amiloko-miloko anóniha sotcheka sothene emoha-emoha yókhalano munepáya, nave munepa wónanara onnal-amulelatho mmurimani mwawe. Nwamwi-akhwelaka witaphula wa sohosha iha yowo hanawerya ntakhara vanotho yowo ti kapuro aya. Yowo onnérya wérano hiho Muluku álonchiye mwa murummwa. Mutchu yowo ányemula malamula Mose, ámkhwa va anamóna éli nari araru: nave muníhai, nki olaka wópwaha wawihai aníriye arwe-ériwe wi onnamphwanelela yowo ámunyikalenle Mwana a Muluku, éra etheru ene nikhami na nlakano nenlo élihiwiyo, aroha Munepa wa ikharari? aHebri 10:28-31; 2 Pedro 2:1-14.

Ósiveliwa awálakhanya, ola wárimwi ori mukhalo wa okumiá okhuwelele wa Muluku móhilekelela ni murimá wa mpu-wa. Yowo onawerya wóvulusha ophiyerya omakutchwelo ni wokhurumuwela sotcheka sothene, warwaru mwa munepa wótcharuwa mwéparipari. Yowo onawerya omphara Musaser-ya ni miloko yothene ya epiphi ni wákumiherya vate othene awo yári mmurimani mwá wiryéheryelaru Khului omwémyer-erya Yowo wi éreno. Murwe ntoko mulipa-amarecha vophiya wa Yesu álonchíye wi:- Mwákhwelaka yaphama munawerya, Yesu ámwákhula wi, kinnakhwela nkaryeheryiwa. Marko 1:40-43. Weyo wánámúmiharu murimá nave onámusivelaru epiphi munipuroni mwa omwaléla, havakhalaru owehererya nari okhaviherya, ntakhara vawérano hihá weyo onathanla okhwa munipuroni mwa okumi—Ntakhara yólivela ya otcheka ti okhwa.

ERUKU YANETHANU NERARU

Vává nnónavo eruku ya mutchu awuwa ni mmalapo vanipha-ni na okhwa, mwili awe onnicheliwa nave okumi awe onnóva okhwa. Ori makhuvéne, okhwa omphiyenrye vélukuluku yeyo aháwehereryiye, okhwa omphiyenrye ari mu ephiro yawopi-hasha.

Onnóna wi ohakalalela sónanana wómala, vano sawichela tiri mmwilini mwawe; okumi awe onnóva ni othukumela vano onóniye okhwa orwélaka omukusha. Nnamwi éeryaka oveke-la, onnochela wátána ni Muluku. Nave masu atherutheru a ohakararya wa asinthamwene awe a elapo yavathi hanaw-erya omukhaviherya hoe, naritho muhakhu awe homutaphula, nnamwi akhwelaka wupuwelela sa Muluku ihasiri iha hin-namwemyereryiha hoe, sinnamuthónyerya mukártani mummo murimo mathowa aya. Mateyu 15:11; 1 Timoteo 5:23; Salmo 104:15.

Sothene hiho yowo ásveliye ni hiho ákhalíyeno vano in-ammunyemula nave nari ahóli awe óhiroromeleya akhweyatho óhitcharuwasha heweryaru omukhaviherya. Yowo vano on-napacherya osuwela wopiha waya wa omorela mmatani




8. ERUKU YANETHANU NERARU

mwawópiha mwa Muluku mukumi. aHebri 10:31. Ánawererya wi oníreheryela vamithoni va Muluku va nihiku nikina nlo nóphwanelela nava okamoni wawe, nnya vano vópwahavo. Atchu masana-masanéne anakhwa mótotutusha ehikhanlenoru elukuluku yomwávyano Muluku ekonke mminlini mwaya. Ti-vokhweleyasha omwavyávyá Muluku vélukuluku yeyo onaweryeyíye ophwanyeya. Muniपुरoni mwawiwa masu a ovulusha wa Muluku awe, mulipa-ótcheka ola onakhwa va yola árihale ikharari ni osivela wa Muluku mu okumi awe wothene, vano ohíwa nsu na othorihwiwa wawe nlochaka wi:- Vává munepa onahiyanáya ni mwili oyáka olakiwa onnakhalavo wunla ni okhúriha minno, nave ekhune aya henakhwa. Marko 9:48. Vinyani wa Miyo, awúlumeliwa nyuwo, oya omóroni wóhimala owo wawiséleliwa Musaserya ni arummwáwe. Mateyu 25:41. Ntakhara wáryéheryeliwa wa atchu wi ekhwéké omoha, nave ekhwile, othorihiwanto. aHebri 9:27.

ERUKU YANETHANU NESHESHE

Eruku ela ti ya mutchu olaphihale sawéha sothene, ólipiheryasha mu nrromelo ni muwéla ophiyerya omakutchuwelo. Yowo onnéhiwa makupa othene nnya ori ólaphihasa orwéla mwa Yesu Kristu.

Tahi wi ónne ópacheryaru mukwaha owo wa okristu hoe nnya onnatitelelaru anatchimaka ni ovilela ahiwehakaruru sa ochuli nari mukhwipi wu ni wu nnya onamuweha Yesuru, Yowo ori ópacherya ni ókutchulela a nrromelo nahu. aHebri 12:1-2. Satana ni sónanara onnamurukurerya wávyávyá ephiro yovolowelano mmurimani mwawe nnya hanawerya. Wisinnuwiha, wúra wa ikhoroa, oraruwa, sothene iha sinókotcha. Muniपुरoni mwa mwanapwa ni havara nnóna epuri ni búrru Seiya inóniha wi sonanara inayaratho sónanara, akhweya wawara sówara ikina onnatikhineya. Nnya mukristu awiweherya onnaróra yótcheka. Ohiyatho va iho munnamóna mutchu mukina onína arino kopo a otheka mmatani mwawe amwéhakano mukristúwo, nnya yowo hánono etchu elapo yavathi vosuwela wi yowo ókhwa ni Kristu mwa sotcheka ni elapo yavathi. Mutchu mukina onammuhoma ni mwalo, yola



9. ERUKU YANETHANU NESHESHE

onóniha masu ómunyemula ni sohósha sinchipale hiho inarwéla mwa atchu óhiroromela yawotho anahoma murimáwe. Nnya yowo onoványihani nyuwo, ni wólochelani sawotha va sonanara sothene, mwawihihá mwimáliheke ni masu ala awi:- Órélihiwa muri nyuwo, vává eniryáya yónyemuleni ntakhara a Miyo. Tchapani, hakalalani, ntakhara phatamari anyu ti mutokotoko Wirimu. Mateyu 5:11-12.

Otcheka mwili ni Satana híwerya ommwalanya mukristúwo ni osivela wa Muluku. Táni-ani-animwalanye ni osivela wa Kris-tu? Khwino wúkuwa, nari masóso, nari yóhósha, nari etala, nari otháleliwa, nári sawópiha, nari khwino nlema? Nnya mu sothene iha, hiyo ninnalaphiharu, mwa Yowo ánsivenle. aRoma 8:35-39. Yowo áhawara mavaka othene a Muluku wi awerye otikitheryeya. Yowo onnóna wi masu othene a Yesu ari éparipari awi:- Yowo onakhala mwa Miyo ókhalano ikuru sómpwaha yowo ori élapo yavathi, Satana. Yesu ámulaphiha Satana otcheka ni okhwa wi hiyotho niwerye olaphiha ni omwákhela koróa anchichimiho.

ETHENERI ya yóléla-murimáwe tiyawélihiwa. Murimáwe wósareya nrromelo ni Munepa Wawéla. Mungelo owo ori vasulu vawe onnamúpusherya malakano othene awa-yawo analaphiha ophiyerya makutchuwelo. Yawupulula 2:7,11,17,26; 3:5,12,21.

MURUPA WÓHULEYA wa ikhorowa ananóniherya wi mutchúwo tahi awúra hoe nnya onnávaha óháwa ni aikwásuni, anavelélatho yanékhumi awe ni yovelélatho ya hiho oriýeno.

ESHIMA ni EHOPA enóniha wi onnakhala ni okumi wórérela ni wawéla. Hanawurya otheka nari omulya sona ntakhara onnasuwela wi mwili awe Empa ya Muluku. Murimáwe wóthatuwa okhala empa yóvekelamo, navetho onnathukumana mirunku yothehe ni ochichimiherya nari mu elukuluku ya epula, yorírya nari ya nsuwa, navetho mpa mwawe vamoha ni emusi awe, ntakhara hanawerya wikhalela óhivekela ntokothe ehopa ehinaweryáya okhala ekumi yáhikhala mmáhini.

LIVRO ÓHULEYA owo onóniha Masu a Muluku yowo mutchúwo onasiveliye omwálakhanya ni omuhuserya. Turi enyári ya winnáni sawe, ni nlema nómulaphihano Musaserya. Turi yolya yóvakulelano okumi awe nihiku-nnihiku ni mahi ókhólano ntchanana nawe, ti mummo onavasíyemo okumi navetho ti eyónélo yeyo onisóniyemo ntoko okhalelíye.

Mukristúwo onnasivela mwikimanyo wa Yesu, ni mwikimanyo onnúpuwelano okhwa wa Apwiya ni ovinya wawe. Onniryéheryela okumana ni Muluku, Onakhala ntoko mwiri wawáliwa mushereshere mwa muhiche yowo oníma sawíma sómuhakalaliha Muluku. Salmo 1:1-3; Yohane 15:1-4; 1 Yohane 4:18-21.

ERUKU YANEKHUMI

Yesu áhi:- Miyo ka ovinyatho ni okumi, nave yowo okhanleno okumi, nave anaromela mwa Miyo, harwaakharu. Yohane 11:25-26. Yowo oníwa Masu aka, ni omuroromela Yowo ákirumme, ókhalano okumi wohimala, nave hanaya wúthorihiwani, nnya ópwaha múkhwani avolowa múkumini. Yohane 5:24. Mukristu enesha hanóva okhwa vawi okhwa iwo wómiryiwa múlaphiha. Okhwa we! olaphiha wá ori wuwi? Okhwa we! Mpúlá ori wuwi? Muluku athamaliwe, Yowo onanivaha olaphiha mwa Apwiyáhu Yesu Kristu! 1 aKorinto 15:54-57. Mutchu yowo ákhala mukumi nave anécha ni Muluku hanóva okhwa. Vóphiyerya elukuluku yóvinyavo onnavinyaro ni okhwelasha ntoko álonchíye murummwa Paulo i:- Kókhala-no minkhela yóvinya ni oya-okhala ni Kristu, ntakhara tivarénrevosha tchiri. aFilipe 1:23. Mukristu onnakhalano okhwelasha wawí akumane ni Yesu ni wónanano ethoe ni ethoe, Yowo ámukhwenle nave amópola vamwikimanyo. Munepa Wawéla onnamúpusherya masu a Yesu awi: “Murimányu ohithukumele” munnamuroromela Muluku, kiroromeleni Miyotho. Owannyaya Atithiaka wókhawo ipa sinchipale. Saháriwo, nkaóléláni nyuwo; vano kinaya worryeheryelani nipuro. Nave kaya-woryeheryelani nipuro, kinakókatho, nave kinarwa-kokushani Miyo mwanéne, wi wiwo kinayáka-okhalawo, nyuwotho mwakhalewo. Nave wiwo kinayákawo Miyo, munnasuwela ephiro aya. Itchu



10. ERUKU YANEKHUMI

hiho niho nahonnáya, nari naru nahiwaláya, hiho hasá Khanle mmurimani mwa atchu; Sothene hiho Muluku áryeheryenliye yawo anamusivela. 1 aKorinto 2:9. Vélaponi yavathi hayívovo elochelo enawerya othoriha nchichimiho na mmapuroni a Wirimu yawo aryeheryeliwáya atchu yawo anécha mu ináni sa Apwiya Yesu Kristu vathi váva

Va eruku ela nnónavo okhwa wa mukristu enesha. Muni-puroni mwa makhuva a mutchu ókhwa nnamónavo mungelo a Muluku yowo onawehererya okusha munepáwe oyano wa Muluku. Okumi ni munepa sóvinyamo mmwilini wókhwa owo sinnavava oya vanákhópeni va Yowo sámuruméláya ni omusivela vávale sáryáya vathi va. Ohakalala otokotoko onnamuweherya ntoko Apwiya eniryáya eloché wa yowo wi:- Yaphama, mmiravo weyo aphama ni óroromeleya; wári óroromeleya mu itchu tonto, kinawiyáthi mu itchu sinchipale; volowa wúhakalalani wa pwiya. Yawupulula 14:13.

Óhakalala, nyuwo munamwálakhanya livro ola, Muluku ókhavi-heryeni wi mveléle murimányu wa Yesu ntoko onalochiye í:- Mwanaka, kivahe murimá. Ithale 23:26. Muhémyererye wi muwokeye ni sélapo akhweya wiwoka niwi; Kinamvuluwa nari kihirukunuwale-murima. Nnya muhiye sónanara sanyu, mwákhele witchachála, vawi yólivela ya otcheka ti okhwa, nnya yamahala yasiyo ya Muluku ti okumi wohimala wamwa Yesu Kristu Apwiyáhu. aRoma 6:28.

Nyuwo, yenyu mvelénle murimányu wa Muluku mpharele-sha masu awíweya, munroromelo ni osivela wamwa Yesu Kristu, vawi munnamusuwela Yowotho munamuroromelányu nave munnémyererya mmurimani wi takuru sólipelanelano yókhapeleliwányu eyo ophiyerya nihiku nenlonto. Mwilipiheni mekhinyu mu nrromelo, mwavekelani mwa Munepa Wawé-la, mwikhapeleleke mu osivela wa Muluku ni omuwehasha Ópacherya ni Ómaliha amunroromelo nahu ni owehererya wáchamela-orwa wa Mwene a mamwene.

Nave wa yowo onawerya wólipelanelani wi munimukwachuliwe, ni wothetayani vamithoni va nchichimiho nawe óhikhalanoru

murala múhakalala, wawa Muluku mmoharu, mwa Yesu Kristu Apwiyáhu, okhale nchichimiho, otokwene, ikuru, ni olamulelo ihipachenrye ilukuluku, ni hihano, ni ophiyerya mahiku othene. Amen. Yuda verso 24 ni 25.

(Ntchipo)

Varílapo yaphama m'sulu,
Yawáryasha opwaha nsuwa
Yesu' nnareherya mapuro,
Hiyo nakhaleke wiwotho.

Hankeni nivinye,
nakumane mwílapo eyo
Hankeni nivinye,
nakumane mwílapo eyo.

Nnarwa-nípa matchipo wiwo,
Ayáworu óm'tchara Yesu,
Hanrwa-nthananaworu hiyo,
Mahikúthene nnatchapaka.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)